



Broj: 05-198-8/22
Sarajevo, 30.03.2022. godine

Na osnovu člana 23. stav (1) tačka d) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačka j) Statuta Agencije za bankarstvo Federacije BiH („Službene novine Federacije BiH“, broj: 3/18), člana 68. stav (1) i člana 72. stav (3) tačka a) Zakona o javnim nabavkama („Službeni glasnik BiH“, broj: 39/14) direktor Agencije za bankarstvo Federacije BiH donosi

ODLUKU

o dodjeli okvirnog sporazuma ponuđaču čija je ponuda po rang-listi odmah nakon ponude najuspješnijeg ponuđača

Član 1.

- (1) Okvirni sporazum u otvorenom postupku javne nabavke usluga čišćenja poslovnih prostorija Agencije za bankarstvo Federacije BiH dodjeljuje se ponuđaču čija je ponuda po rang-listi odmah nakon ponude najuspješnijeg ponuđača i to ponuđaču „Atalian Global Services BH“ d.o.o. Sarajevo, na iznos od 67.563,00 KM, bez uračunatog PDV-a.
- (2) Ponuđač „Atalian Global Services BH“ je dužan u roku od 5 (pet) dana od dana dostave ove Odluke dostaviti dokaze o ispunjavanju uslova iz člana 45. stav (2) tačke a) do d) Zakona o javnim nabavkama u skladu sa poglavljem III, podtačka 1.1. tenderske dokumentacije.

Član 2.

Stavlja se van snage Odluka o izboru najpovoljnijeg ponuđača u postupku nabavke usluga čišćenja poslovnih prostorija Agencije za bankarstvo Federacije BiH, br. 05-198-6/22 od 14.03.2022. godine, kojom je okvirni sporazum u postupku nabavke usluga dodijeljen najuspješnijem ponuđaču „Ecotime“ d.o.o. Sarajevo.

Član 3.

Po dostavljanju dokaza iz člana 1., stav (2) ove Odluke, ugovorni organ će sa ponuđačem na osnovu člana 72. stav (3) tačka a) Zakona o javnim nabavkama, zaključiti okvirni sporazum, kojim će regulisati međusobna prava i obaveze.

Član 4.

Ova odluka bit će objavljena na internetskoj stranici Agencije za bankarstvo Federacije BiH www.fba.ba, uz istovremeno upućivanjem iste ponuđačima koji su učestvovali u postupku javne nabavke.

Član 5.

Za izvršenje ove odluke zadužuje se i ovlašćuje Sektor zajedničkih funkcija.

Handwritten signature and initials in the left margin.

Član 6.

Ova odluka stupa na snagu danom donošenja.

OBRAZLOŽENJE

Ugovorni organ je proveo postupak javne nabavke usluga čišćenja poslovnih prostorija Agencije za bankarstvo Federacije BiH putem otvorenog postupka, a kao kriterij za izbor najpovoljnije ponude odabrana je najniža cijena. U skladu sa članom 35. Zakona o javnim nabavkama, Obavještenje o nabavci broj: 3010-1-2-37-3-23/22 objavljeno je na Portalu javnih nabavki (www.ejn.gov.ba) dana 14.02.2022. godine i u „Službenom glasniku BiH“, broj: 09/22 dana 18.02.2022. godine.

Nakon provedenog postupka, Ugovorni organ je donio Odluku o izboru najpovoljnijeg ponuđača br. 05-198-6/22 od 14.03.2022. godine, koja sadrži rang listu prihvatljivih ponuda sa cijenama ponuda bez PDV-a nakon provedene e-aukcije.

Najuspješniji ponuđač u predmetnom postupku nabavke „Ecotime“ d.o.o. Sarajevo sa ukupnom cijenom ponude u iznosu od 67.495,37 KM, je u skladu sa poglavljem III tenderske dokumentacije – Uslovi za kvalifikaciju ponuđača, tačka 1. – Lična sposobnost – član 45. Zakona o javnim nabavkama, podtačka 1.1. Dokazi, bio u obavezi da u roku od 5 (pet) dana od dana zaprimanja obavještenja o rezultatima postupka javne nabavke, dostavi Ugovornom organu dokaze o ispunjavanju uslova iz člana 45. Zakona o javnim nabavkama.

Tenderskom dokumentacijom je propisano da „dokazi moraju biti fizički dostavljeni na protokol Ugovornog organa najkasnije peti dan po prijemu odluke o izboru, u radnom vremenu Ugovornog organa (do 16:30 sati), te za Ugovorni organ nije relevantno na koji način su poslani. Ukoliko ponuđač u ponudi ne dostavi Izjavu i dokaze iz ovog člana ili ne dostavi na način tražen tenderskom dokumentacijom, bit će isključen iz daljnjeg učešća zbog neispunjavanja uslova za kvalifikaciju.“

Uvidom u knjigu protokola i dostavnicu, konstatovano je da ponuđač „Ecotime“ d.o.o. Sarajevo nije u propisanom roku ispunio obavezu, tj. nije dostavio dokaze kojim potvrđuje činjenice iz Izjave o ispunjavanju uslova iz člana 45. Zakona o javnim nabavkama.

Članom 72. stav (3) tačka a) Zakona o javnim nabavkama propisano je da Ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač: a) propusti da dostavi originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ.

Temeljem naprijed navedenog, primjenjujući odredbu člana 72. stav (3) Zakona o javnim nabavkama, Ugovorni organ okvirni sporazum dodjeljuje sljedećem ponuđaču sa rang liste i to „Atalian Global Services BH“ d.o.o. Sarajevo sa ukupnom cijenom u iznosu 67.563,00 KM bez uračunatog PDV-a.

Uvažavajući sve navedeno, odlučeno je kao u dispozitivu.

Dostaviti:

1. Ponuđačima u postupku;
2. a.a.


DIREKTOR

Jasmin Mahmuzić

